



Број/Број: 01/4-50-1-4-63/10
Сарајево/Sarajevo, 24.3.2010. godine

Z A P I S N I K

63. sjednice Komisije za finansije i budžet Predstavničkog doma Parlamentarne skupštine BiH održane 22.3.2010. godine, od 9,30 do 11,40 sati.

Sjednici Komisije prisustvovali su članovi: Sadik Bahtić, Lazar Prodanović, Velimir Jukić, Adem Huskić, Bajazit Jašarević i Salko Sokolović.

Sjednici nisu prisustvovali: Savo Erić, Zlatko Lagumdžija i Drago Kalabić.

Sjednici su također prisustvovali: Anka Šešlija, pomoćnik ministra, i Biljana Dakić-Đurović, sekretar Ministarstva finansija i trezora BiH, Ćinita Fočo, direktorica Agencije za javne nabavke BiH, Amir Pilav, predsjedavajući Ureda za razmatranje žalbi, Kemal Čaušević, direktor, Slavojka Stojić, šef odsjeka, Edvin Alibašić, šef Kabineta direktora, i Zora Aleksić, savjetnik u Kabinetu direktora Uprave za indirektno oporezivanje BiH, Christian Haupt, direktor, i Lada Mujkić, asistent pri projektu USAID PSP u BiH, Samir Mušović, konsultant PKF/DFID, Zoran Brkić, viši stručni saradnik u Sektoru za odnose s javnošću, te Željko Kosmajac, sekretar, i Muhameda Humačkić, stručni saradnik pri ovoj komisiji.

Za sjednicu je predložen sljedeći

DNEVNI RED

1. Usvajanje Zapisnika 62. sjednice Komisije;
2. Razmatranje Izvještaja o radu Ministarstva finansija i trezora BiH za 2009. godinu (podnosilac: Vijeće ministara BiH);
3. Razmatranje Izvještaja o radu Uprave za indirektno oporezivanje BiH za 2009. godinu (podnosilac: Vijeće ministara BiH);
4. Razmatranje Izvještaja o radu Agencije za javne nabavke BiH za 2009. godinu (podnosilac: Vijeće ministara BiH);
5. Razmatranje Izvještaja o radu Ureda za razmatranje žalbi za 2009. godinu (podnosilac: Ured za razmatranje žalbi);
6. Tekuća pitanja.

Predloženi dnevni red jednoglasno je usvojen.

Ad.1. Usvajanje Zapisnika 62. sjednice Komisije

Zapisnik 62. sjednice jednoglasno je usvojen, bez primjedbi.

Ad.2. Razmatranje Izvještaja o radu Ministarstva finansija i trezora BiH za 2009. godinu (podnosilac: Vijeće ministara BiH)

U uvodu predsjedavajući Komisije skrenuo je pažnju članovima Komisije da su tačke od 2. do 4. dnevnog reda ove sjednice sastavni dijelovi Izvještaja o radu Vijeća ministara BiH za 2009., te da ova komisija, shodno sugestiji Kolegija Predstavničkog doma, Izvještaj o radu

Vijeća ministara BiH za 2009. godinu treba razmatrati u okviru svojih nadležnosti, te Domu dostaviti svoje mišljenje.

Zatim je riječ dao predstavnicama Ministarstva finansija i trezora BiH.

Obrazloženje Izvještaja o radu Ministarstva finansija i trezora BiH za 2009. dala je Biljana Dakić-Đurović, sekretar Ministarstva finansija i trezora BiH, a zatim je otvorena rasprava.

U raspravi su učestvovali članovi Komisije: Sadik Bahtić, Velimir Jukić, Lazar Prodanović, Bajazit Jašarević i Biljana Dakić-Đurović.

Nakon duže rasprave, Komisija je jednoglasno prihvatila Izvještaj o radu Ministarstva finansija i trezora BiH za 2009. godinu, koji je sastavni dio Izvještaja o radu Vijeća ministara BiH za 2009., te ga uputila u daljnju parlamentarnu proceduru, s prijedlogom Domu za usvajanje.

Ad.3. Razmatranje Izvještaja o radu Uprave za indirektno oporezivanje BiH za 2009. godinu (podnosilac: Vijeće ministara BiH)

Nakon otvaranja ove tačke dnevnog reda, predsjedavajući Komisije riječ je dao predstavnicima Uprave za indirektno oporezivanje BiH.

Detaljno obrazloženje Izvještaja o radu Uprave za indirektno oporezivanje BiH za 2009. dao je Kemal Čaušević, direktor Uprave za indirektno oporezivanje BiH.

U raspravi koja je uslijedila učestvovali su članovi Komisije: Sadik Bahtić, Adem Huskić, Velimir Jukić, Bajazit Jašarević, Salko Sokolović, Lazar Prodanović, te Kemal Čaušević i Samir Mušović.

Nakon duže rasprave, Komisija je jednoglasno prihvatila Izvještaj o radu Uprave za indirektno oporezivanje BiH za 2009. godinu, koji je sastavni dio Izvještaja o radu Vijeća ministara BiH za 2009. godinu, te ga uputila u daljnju parlamentarnu proceduru, s prijedlogom Domu za usvajanje.

Ad.4. Razmatranje Izvještaja o radu Agencije za javne nabavke BiH za 2009. godinu (podnosilac: Vijeće ministara BiH)

Nakon uvodnih napomena, predsjedavajući Komisije riječ je dao predstavnici Agencije za javne nabavke BiH.

Obrazloženje Izvještaja o radu Agencije za javne nabavke BiH za 2009. i probleme s kojima se susreće u svom radu iznijela je Ćinita Fočo, direktorica Agencije za javne nabavke BiH.

U raspravi koja je uslijedila učestvovali su članovi Komisije: Velimir Jukić, Lazar Prodanović i Bajazit Jašarević, te Ćinita Fočo.

Nakon rasprave, Komisija je jednoglasno prihvatila Izvještaj o radu Agencije za javne nabavke BiH za 2009. godinu, koji je sastavni dio Izvještaja o radu Vijeća ministara BiH za 2009., te ga uputila u daljnju parlamentarnu proceduru, s prijedlogom Domu za usvajanje.

Ad.5. Razmatranje Izvještaja o radu Ureda za razmatranje žalbi za 2009. godinu (podnosilac: Ured za razmatranje žalbi)

Nakon uvodnog izlaganja, predsjedavajući Komisije riječ je dao predstavniku Ureda za razmatranje žalbi.

Amir Pilav, predsjedavajući Ureda za razmatranje žalbi, obrazložio je Izvještaj o radu Ureda za razmatranje žalbi u 2009., te demantirao navode direktorice Agencije za javne nabavke BiH Ćinite Fočo.

U raspravi koja je uslijedila učestvovali su Bajazit Jašarević i Velimir Jukić.

Nakon rasprave, Komisija je jednoglasno prihvatila Izvještaj o radu Ureda za razmatranje žalbi u 2009. godini, s predloženim zaključkom iz dijela 18.1. Izvještaja, a bez ostalih predloženih zaključaka iz dijela 18. Izvještaja, te ga uputila u daljnju parlamentarnu proceduru, s prijedlogom Domu za usvajanje.

Ad.6. Tekuća pitanja

U okviru ove tačke dnevnog reda nije bilo rasprave.

Sekretar Komisije

Željko Kosmajac

Predsjedavajući Komisije

mr. ecc.sc. Sadik Bahtić